

Izveštaj o radu Uprave policije MUP-a Kantona Sarajevo zas mjesec maj 2021. godine

KRIMINALITET

STATISTIČKI POKAZATELJI

U mjesecu maju 2021. godine na području Kantona Sarajevo, prema službenim evidencijama Uprave policije MUP-a Kantona Sarajevo, registrovana su 343 događaja sa obilježjem krivičnog djela (što je 14 ili 4,3% više u odnosu na isti mjesec prethodne godine).

Od ukupnog broja registrovanih događaja sa obilježjem krivičnog djela, 183 ili 53,4% je evidentirano po poznatom izvršiocu, a 160 ili 46,6% po nepoznatom izvršiocu.

Od ukupno 160 događaja sa obilježjem krivičnog djela evidentiranih po nepoznatom izvršiocu, naknadno je rasvijetljeno 30 ili 18,8% (što je za 22,2% manje u odnosu na uporedni mjesec) od čega je 12 događaja evidentirano u mjesecu maju, a 18 u ranijem periodu.

U izvještajnom mjesecu Uprava policije MUP KS je nadležnim tužilaštvima prosljedila na odluku putem administrativnog djelovodnika ukupno 212 obavijesti (35 više) o događajima u kojima je pričinjena neznatna materijalna šteta.

OSNOVNI STATISTIČKI POKAZATELJI O DOGAĐAJIMA SA OBILJEŽJEM KRIVIČNOG DJELA
U MJESECU MAJU 2021/20. GODINE

mjesec	Broj događaja sa obilježjem krivičnog djela			Broj naknadno rasvijetljenih događaja evidentiranih po nepoznatom izvršiocu		Broj evidentiranih lica			Broj lica lišenih slobode
	Ukupno	od toga		Ukupno	od toga iz ranijeg perioda	Ukupno	od toga		
		po poznatom izvršiocu	po NN izvršiocu				maloljetnici	povratnici	
MAJ 2021. GODINE	343	183	160	30	18	187	3	109	68
MAJ 2020. GODINE	329	163	166	68	53	198	1	124	87
<i>uporedba</i>	<i>14</i>	<i>20</i>	<i>-6</i>	<i>-38</i>	<i>-35</i>	<i>-11</i>	<i>2</i>	<i>-15</i>	<i>-19</i>
	<i>4,3%</i>	<i>12,3%</i>	<i>-3,6%</i>	<i>-55,9%</i>	<i>-66%</i>	<i>-5,6%</i>	<i>200%</i>	<i>-12,1%</i>	<i>-21,8%</i>

U toku mjeseca maja ove godine prijavljeno je 187 lica (11 manje), od kojih je 109 povratnika (15 manje) (ili 58,3% od ukupnog broja prijavljenih lica), tri maloljetnika (dva više), a 68 lica je lišeno slobode (19 manje).

Za događaje sa obilježjem krivičnog djela, koji su evidentirani u mjesecu maju 2021. godine, prema izjavama oštećenih lica, nastupila je materijalna šteta u ukupnom iznosu od 781.468,12 KM.

**TABELARNI PREGLED DOGAĐAJA SA OBILJEŽJEM KRIVIČNOG DJELA U MJESECU MAJU 2021/20. GODINE
NA PODRUČJU KANTONA SARAJEVO PREMA KRIVIČNOM ZAKONU FBiH-a**

KZ FBiH-a i KZ BiH-a	MAJ 2021. GODINE	MAJ 2020. GODINE	uporedba ukupnog broja događaja sa obilježjem krivičnog djela		broj događaja po poznatom izvršiocu	broj događaja po NN izvršiocu	ukupan broj naknadno rasvijetljenih događaja	
			+ / -	%			broj	%
Protiv života i tijela	7	14	-7	-50%	7	0	0	---
Protiv slobode i prava čovjeka i građanina	20	14	6	42,9%	20	0	0	---
Protiv spolne slobode i morala	1	1	0	isto	1	0	0	---
Protiv braka, porodice i mladeži	19	21	-2	-9,5%	19	0	0	---
Protiv zdravlja ljudi	22	30	-8	-26,7%	22	0	0	---
Protiv privrede, poslovanja i sigurnosti plat.	1	1	0	isto	1	0	0	---
Protiv imovine	191	191	0	isto	36	155	29	18,7%
Protiv okoliša	0	2	-2	---	0	0	0	---
Protiv opće sigurnosti ljudi i imovine	8	12	-4	-33,3%	4	4	0	isto
Protiv sigurnosti javnog prometa	5	11	-6	-54,5%	5	0	0	---
Protiv pravosuđa	4	0	4	---	3	1	1	100%
Protiv javnog reda i pravnog prometa	35	20	15	75%	35	0	0	---
Protiv podmićivanja i krivična djela protiv službene i druge odgovorne funkcije	25	2	23	1150%	25	0	0	---
ZONDINOIM-a - Zakon o nabavljanju, držanju i nošenju oružja i municije (Sl.novine KS br.01/18)	5	10	-5	-50%	5	0	0	---
UKUPNO	343	329	14	4,3%	183	160	30	18,8%

U mjesecu maju 2021. godine u odnosu na isti mjesec prethodne godine, zabilježeno je povećanje broja registrovanih događaja sa obilježjem krivičnog djela za 14 ili 4,3%. Povećanja su zabilježena u u slijedećim oblastima: protiv podmićivanja i krivična djela protiv službene i druge odgovorne funkcije za 23 događaja, javnog reda i pravnog prometa za 15, slobode i prava čovjeka i građanina za šest i pravosuđa za četiri, dok je smanjen broj evidentiranih događaja u oblastima: protiv zdravlja ljudi za osam događaja, života i tijela za sedam, sigurnosti javnog prometa za šest, opće sigurnosti ljudi i imovine za četiri, itd.

PREGLED DOGAĐAJA SA OBILJEŽJEM KRIVIČNOG DJELA PO OBLASTIMA

PROTIV ŽIVOTA I TIJELA

Tokom mjeseca maja 2021. godine evidentirano je sedam događaja sa obilježjem krivičnog djela iz oblasti protiv života i tijela (sedam manje u odnosu na mjesec maj 2020. godine) i svi su po poznatom izvršiocu. Evidentirano je sedam lakih tjelesnih ozljeda, a nadležnom tužilaštvu podneseni su službeni izvještaji protiv osam lica, od koji su tri povratnika (ili 37,5%) i jedno lice je lišeno slobode.

PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 20 događaja sa obilježjem krivičnog djela (šest više) i to: ugrožavanje sigurnosti. Evidentirana su 22 lica, od kojih je 15 povratnika (ili 68,2%), a tri su lišena slobode.

Događaji sa obilježjem krivičnog djela ugrožavanja sigurnosti evidentirani su, a u kojima su izvršiocu upućivanjem verbalnih prijetnji, pisanih - prijetećih poruka i sl. ugrozili sigurnost oštećenih lica.

PROTIV BRAKA, PORODICE I MLADEŽI

Iz oblasti protiv braka, porodice i mladeži u mjesecu maju evidentirano je 19 događaja sa obilježjem krivičnog djela (dva manje) i to: nasilje u porodici – 18 i izbjegavanje izdržavanja – jedan događaj, za čije izvršenje je prijavljeno 19 lica, od kojih je šest povratnika (ili 31,6%), a 10 lica je lišeno slobode.

PROTIV ZDRAVLJA LJUDI

Evidentirana su 22 događaja sa obilježjem krivičnog djela iz oblasti protiv zdravlja ljudi (osam manje) i to:

- neovlašćena proizvodnja i stavljanje u promet opojnih droga (čl. 238. KZ FBiH) – tri,
- posjedovanje i omogućavanje uživanja opojnih droga (čl. 239. KZ FBiH) – 17 i
- prenošenje zarazne bolesti (čl. 226. KZ FBiH) – dva događaja.

Nadležnom tužilaštvu podneseni su službeni izvještaji protiv 22 lica, među kojima je 17 povratnika (ili 77,3%) i sedam lica je lišeno slobode.

Policijski službenici Uprave policije MUP-a Kantona Sarajevo su u mjesecu maju ove godine Kantonalnom tužilaštvu Sarajevo podnijeli službene izvještaje protiv dva lica, zbog postojanja osnova sumnje da su u proteklom periodu u više navrata kupovali opojnu drogu "Marihuanu", „Amfetamin“, na raznim lokalitetima, od za sada nepoznatih lica, istu prepakivali, zatim vršili prodaju raznim konzumentima na području Kantona, te protiv lica Đ.D. (1994.) koji je u iznajmljenom stanu uzgajao stabljike kanabisa čime bi počinili krivično djelo iz člana 238. KZ FBiH-a (Neovlašćena proizvodnja i stavljanje u promet opojnih droga, kao i protiv 17 lica koja su navodila druga lica na uživanje opojnih droga, stavila na raspolaganje prostorije radi uživanja opojnih droga ili kod kojih je prilikom pregleda pronađena opojna droga čime bi počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).

PREGLED ODUZETE KOLIČINE OPOJNIH DROGA U MJESECU MAJU 2021/20. GODINE

vrsta opojne droge	MAJ 2021. godine	MAJ 2020. godine
Marihuana (paketići)	14	43
Marihuana (u gramima)	412,292	32
Heroin (paketići)	1	---
Amfetamin (paketići)	4	31
Amfetamin (u gramima)	362,294	11
Kanabis (stabljike)	93	---
Kanabis (sjemenke)	346	---
Ecstasy (u gramima)	---	5,7
Pribor sa ostacima droge i ostalo	8	---

PROTIV IMOVINE

U oblasti protiv imovine evidentiran je 191 događaj sa obilježjem krivičnog djela (isti broj kao u mjesecu maju 2020. godine) od kojih je 36 evidentirano po poznatom i 155 po nepoznatom izvršiocu. Iz ove oblasti najbrojniji događaji sa obilježjem krivičnog djela su:

- teška krađa (član 287. KZ FBiH) – 92 (pet manje),
- krađa (član 286. KZ FBiH) – 49 (pet više),
- razbojništvo (član 289. KZ FBiH) – 19 (tri manje),
- oštećenje tuđe stvari (član 293. KZ FBiH) – 17 (šest više).

Nadležnom tužilaštvu podneseni su službeni izvještaji protiv 60 lica, od kojih su 43 povratnika (ili 71,7%), a 31-no lice je lišeno slobode.

Od ukupno 155 događaja evidentiranih po nepoznatom izvršiocu iz oblasti protiv imovine naknadno je rasvijetljeno 29 ili 18,7% što je za 23,4% manje u odnosu na mjesec maj 2020. godine.

Tokom mjeseca maja ove godine, prema objektima izvršenja teških krađa, 33 su izvršene u stambenim objektima (dvije više), 26 u poslovnim prostorijama (12 manje), 19 u motornim vozila (otuđenja motornih vozila i “provale” u ista) (sedam više), na ulici – osam (tri manje) i u ostalim objektima – šest (jedna više).

Evidentirano je deset otuđenja motornih vozila, od čega su tri pronađena i vraćena vlasnicima (Uprava policije MUP-a Kantona Sarajevo, MUP RS-a i vlasnici su pronašli - po jedno vozilo).

Broj otuđenih motornih vozila u odnosu na uporedni mjesec povećan je za dva ili 25%, a zbog postojanja osnova sumnje da su učestvovali u otuđenju motornih vozila nadležnom tužilaštvu podneseni su službeni izvještaji protiv četiri lica.

Evidentirano je 49 događaja sa obilježjem krivičnog djela krađe (pet više) i to: na ulici – 23 puta, u poslovnim prostorijama – 15, u stambenim objektima - osam, itd. odakle su otuđivani novčanici, nakit, prehrambeni proizvodi, mobiteli, bicikli, željezni profili, itd.

Evidentirana su četiri događaja sa obilježjem krivičnog djela teških krađa na naročito opasan ili naročito drzak način (dva manje), u kojima su izvršiocu, upotrebom fizičke snage (otimanjem i trganjem), otimali nakit i tašne, na ulici - tri i u tramvaju - jedan. Nadležnom tužilaštvu podnesen je službeni izvještaji protiv jednog lica, povratnika u činjenju krivičnih djela.

U mjesecu maju ove godine evidentirano je 19 događaja sa obilježjem krivičnog djela razbojništva (tri manje).

Nadležnom tužilaštvu podneseni su službeni izvještaji protiv 11 lica, od kojih je šest povratnika (ili 54,5%), a sedam je lišeno slobode.

Tri događaja evidentirana su po poznatom i 16 po nepoznatom izvršiocu. Od ukupno 16 događaja razbojništva evidentiranih po nepoznatom izvršiocu, naknadno je rasvijetljeno osam ili 50% (što je za 35% manje u odnosu na uporedni mjesec).

Razbojništva su izvršena prijetnjom upotrebe vatrenog oružja - devet puta, prijetnjom upotrebe noža ili drugog oštrog predmeta – sedam i upotrebom fizičke snage – tri, a počinjena su u prodavnicama – devet puta, u sportskim kladionicama – četiri, u apotekama, na benzinskoj pumpi i na ulici – po dva. Otuđivani su mobiteli i novac.

PROTIV OPĆE SIGURNOSTI LJUDI I IMOVINE

Iz ove oblasti evidentirano je osam događaja (četiri manje) i to: - izazivanje opće opasnosti – četiri, nesavjesno čuvanje pasa i drugih opasnih životinja - tri i nepropisno i nepravilo izvođenje građevinskih radova – jedan događaj. Nadležnom tužilaštvu podneseni službeni izvještaji protiv tri lica, od kojih su dva povratnika (ili 66,7%), a jedno je lišeno slobode.

Događaji sa obilježjem krivičnog djela izazivanje opće opasnosti izvršeni su na otvorenom prostoru pri čemu je tri puta otvorenim plamenom izazvan požar i u jednom slučaju je upotrijebljeno vatreno oružje. Posljedice navedenih događaja su nastala materijalna šteta i uznemirenost građana.

PROTIV JAVNOG REDA I PRAVNOG PROMETA

U ovoj oblasti evidentirano je 35 događaja sa obilježjem krivičnog djela (15 više) i to: krivotvorenje isprave - 31 (27 više), nasilničko ponašanje – dva, napad na službenu osobu u vršenju poslova sigurnosti i nedozvoljeno držanje oružja ili eksplozivnih materija – po jedan događaj.

Nadležnom tužilaštvu podneseni su službeni izvještaji protiv 35 lica od kojih je osam povratnika (ili 22,9%), a dva lica su lišena slobode.

PROTIV PODMIĆIVANJA I KRIVIČNA DJELA PROTIV SLUŽBENE I DRUGE ODGOVORNE FUNKCIJE

U ovoj oblasti evidentirano je 25 događaja sa obilježjem krivičnog djela (23 više)¹ i to: davanje dara i drugih oblika koristi - 13, primanje dara i drugih oblika koristi – šest, krivotvorenje službene isprave – tri, pronevjera u službi – dva i zloupotreba položaja ili ovlašćenja – jedan događaj.

Nadležnom tužilaštvu podneseni su službeni izvještaji protiv 25 lica od kojih je sedam povratnika (ili 28%), a četiri lica su lišena slobode.

DOGAĐAJI SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA

U mjesecu maju 2021. godine evidentirano je pet događaja sa obilježjem krivičnog djela, u kojima su učestvovala tri maloljetna lica. U odnosu na isti mjesec 2020. godine povećan je broj događaja sa obilježjem krivičnog djela za tri kao i broj maloljetnih lica za dva. Prijavljeni maloljetnici su u dobi od 16 do 18 godina i svi su povratnici u izvršenju događaja sa obilježjem krivičnog djela.

STAROSNA DOB MALOLJETNIH LICA
MAJ 2021/2020. GODINU

MJESEC	od 14 do 16 god.	od 16 do 18 god.	ukupno
maj 2021. godina	---	3	3
maj 2020. godina	1	---	1

STRUKTURA DOGAĐAJA SA OBILJEŽJEM KRIVIČNOG DJELA U KOJIMA SU UČESTVOVALA
MALOLJETNA LICA U MJESECU MAJU 2021/2020. GODINE

Naziv krivičnog djela	maj 2021.	maj 2020.
<i>Spolni odnošaj s djetetom</i>	---	1
<i>Krađa</i>	2	---
<i>Razbojništvo</i>	3	---
<i>Napad na službenu osobu u vršenju poslova sigurnosti</i>	---	1
<i>ukupno</i>	5	2

OSTALA PROTIVPRAVNA I ASOCIJALNA PONAŠANJA

AKTIVIRANJE MINSKO-EKSPLOZIVNIH SREDSTAVA

U toku mjeseca maja 2021. godine na području Kantona Sarajevo evidentiran je jedan događaj aktiviranja minsko-eksplozivnih sredstava (dva manje u odnosu na maj 2020. godine) usljed čega je nastupila materijalna šteta. Preduzimaju se aktivnosti na rasvjetljavanju ovog događaja i pronalaženju učinilaca.

Evidentirana je jedna anonimna dojava o postavljenoj eksplozivnoj napravi (isto kao u maju 2020. godine). Nakon KDZ pregleda utvrđeno je da je dojava bila lažna. Preduzimaju se aktivnosti na rasvjetljavanju ovog događaja i pronalaženju učinilaca.

POŽARI

Tokom mjeseca maja 2021. godine, na području Kantona Sarajevo registrovana su 23 požara (pet više u odnosu na isti mjesec prethodne godine), u kojima je jedno lice poginulo. Prema statističkim pokazateljima, pet požara je izazvano namjerno, tri nehatom, tri zbog tehničkih nedostataka, dok uzroci 12 požara spadaju u kategoriju ostalih.

Požari su registrovani u :

- Saobraćajnim sredstvima - pet puta,
- Stambenim objektima - tri,
- Šumi - tri,
- Pomoćnim objektima - dva,
- Poslovnim prostorima - dva,
- Ostalim objektima - osam puta.

Zbog izazivanja požara, nadležnom tužilaštvu podnesena su tri službena izvještaja iz člana 323 KZ FBiH (izazivanje opće opasnosti).

SAMOUBISTVA

U mjesecu maju 2021. godine na području Kantona Sarajevo registrovana su četiri samoubistava (dva više), koja su izvršena: vješanjem - dva puta, upotrebom vatrenog oružja i skakanjem sa visine - po jednom.

Tri samoubistva izvršena su na području općine Novi Grad, dok je jedno samoubistvo izvršeno na području općine Centar.

Svi izvršioци su muškarci starosne dobi: 42 godine - dva lica, 37 godina - jedno i 64 godine - jedno lice.

OSTALE AKTIVNOSTI

U sklopu aktivnosti na oduzimanju nelegalno posjedovanog oružja i drugih predmeta oduzete su tri puške, devet pištolja, jedna ručna bomba, četiri noža, 167 komada municije raznog kalibra, itd.

Tokom mjeseca maja ove godine fizičkim licima izdato je 130 odobrenje za nabavku vatrenog oružja i 167 oružnih listova.

JAVNI RED I MIR

U toku mjeseca maja 2021. godine u oblasti protiv javnog reda i mira evidentirana su 682 prekršaja (608 ili 47,1% manje u odnosu na isti mjesec 2020. godine), za čije izvršenje su prijavljena 703 lica (591 ili 45,7% manje), od čega je 89 povratnika u činjenju prekršaja.

Zbog učinjenih prekršaja u oblasti protiv javnog reda i mira izdato je 645 naloga i podneseno je 37 zahtjeva za pokretanje prekršajnog postupka.

Na prekršaje utvrđene Zakonom o prekršajima protiv javnog reda i mira odnosi se 655 prekršaja (ili 96%), a na prekršaje koji su utvrđeni Odlukom općinskih vijeća o javnom redu i miru 27 (ili 3,9%).

Od ukupnog broja prijavljenih lica, prema starosnoj strukturi učinilaca prekršaja, najbrojniji su u dobi između 26 i 35 godina (299), 19 i 25 godina (204) i preko 36 godina (200).

Prilikom narušavanja javnog reda i mira u mjesecu maju 2021. godine, nije bilo teže povrijeđenih lica (isto kao u maju 2020. godine), dok su dva lica (devet manje) lakše povrijeđena.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA
ZA MJESEC MAJ 2021/2020.GODINA

PREKRŠAJI IZ ZAKONA O JRIM:	MAJ 2021.	MAJ 2020.	+ - %
<i>-Tuče</i>	14	22	-8 ili 36,4%
<i>-Naročito drsko ponašanje</i>	25	23	+2 ili 8,7%
<i>-Odbijanje naređenja i omalovaž. pol. služb.</i>	141	374	-233 ili 62,3%
<i>-Prosjačenje</i>	109	56	+53 ili 94,6%
<i>-Svađa, vika, nepristojno ponašanje</i>	21	11	+10 ili 90,9%
<i>-Uživanje opojne droge na javnom mjestu</i>	121	3	+118 ili 3933,3%
<i>-Neovlaštena upotreba oružja</i>	2	---	+2
<i>-Paljenje petardi</i>	---	---	---
<i>-Ostali prekršaji iz Zakona o JRiM</i>	222	737	-515 ili 69,9%
Prekršaji prema Odluci općinskog vijeća o JRiM	27	64	-37 ili 57,8%
ukupno	682	1.290	-608 ili 47,1%

Iz tabelarnog pregleda vidljivo je, da je tokom mjeseca maja 2021. godine, u odnosu na maj prethodne godine prema strukturi prekršaja povećan broj sljedećih prekršaja:

- uživanje opojne droge na javnom mjestu za 118 ili 3933,3%,
- prosjačenje za 53 ili 94,6%,
- svađa, vika, nepristojno ponašanje za 10 ili 90,9%,
- naročito drskog ponašanja za dva ili 8,7% i
- neovlaštena upotreba oružja za dva;

dok je smanjen broj sljedećih prekršaja:

- ostali prekršaji iz Zakona o JRiM za 515 ili 69,9%,
- odbijanje naređenja i omalovažavanje policijskih službenika za 233 ili 62,3%,
- prekršaji koji su regulisani Odlukom općinskih vijeća za 37 ili 57,8% i
- tuče za osam ili 36,4%.

Prema mjestu izvršenja, najveći broj prekršaja evidentiran je na ulici i na drugim otvorenim prostorima (663 ili 97,2% od ukupnog broja), a znatno manje na sportskim stadionima i dvoranama – tri, dok je na ostalim mjestima evidentirano 16 prekršaja.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA
PREMA MJESTU IZVRŠENJA ZA MJESEC MAJ 2021/2020. GODINE

MJESTO IZVRŠENJA	MAJ 2021.	MAJ 2020.	+ - %
Ugostiteljski objekti	---	36	-36
Ulice i drugi otvoreni prostori	663	1.206	-543 ili 45%
Vozila javnog saobraćaja	---	---	---
Sportski stadioni i dvorane	3	1	-2 ili 200%
Škole i školska dvorišta	---	3	-3
Trgovine i zanatske radnje	---	1	-1
Ostala mjesta	16	43	-27 ili 62,8%

UKUPNO	682	1.290	-608 ili 47,1%
--------	-----	-------	----------------

U odnosu na isti mjesec 2020. godine, smanjen je broj evidentiranih prekršaja na svim mjestima izvršenja.

Na području Kantona Sarajevo u mjesecu maju 2021. godine održano je 198 javnih skupova (175 ili 760,9% više u odnosu na mjesec maj 2020. godine). Policijski službenici Uprave policije proveli su planske aktivnosti za održavanje javnih skupova, koji su protekli bezbjedno, a u 22 slučaja izvršeno je KDZ osiguranje.

SAOBRAĆAJ

Na području Kantona Sarajevo u mjesecu maju 2021. godine u odnosu na isti mjesec prethodne godine smanjen je ukupan broj saobraćajnih nezgoda i nezgoda sa materijalnom štetom, dok je povećan broj nezgoda sa nastradalim licima i broj povrijeđenih lica.

Registровано je 559 saobraćajnih nezgoda (74 ili 11,7 % manje u odnosu na mjesec maj prethodne godine), od čega su 474 sa materijalnom štetom (96 ili 16,8 % manje) i 85 sa nastradalim licima (22 ili 34,9 % više).

Tokom mjeseca maja 2021. godine u saobraćajnim nezgodama na području Kantona Sarajevo jedno lice je poginulo (isto kao u maju prošle godine), dok je 113 lica povrijeđeno (36 ili 46,7 % više), od čega 14 teže i 99 lakše.

UPOREDNI POKAZATELJI SAOBRAĆAJNIH NEZGODA I POSLJEDICA NA PODRUČJU KANTONA SARAJEVO ZA MJESEC MAJ 2021./20. GODINE

	maj 2021.	maj 2020.	+ ,-, %
UKUPNO SAOBRAĆAJNIH NEZGODA	559	633	- 74 ili 11,7 %
Saobraćajne nezgode sa nastradalim licima	85	63	+ 22 ili 34,9 %
Saobraćajne nezgode sa materijalnom štetom	474	570	- 96 ili 16,8 %
POGINULO LICA	1	1	-----
- vozači	1	1	-----
-putnici	0	0	-----
- pješaci	0	0	-----
POVRIJEĐENO LICA	113	77	+36 ili 46,7 %
- vozači	61	42	+ 19 ili 45,2 %
- putnici	34	21	+ 13 ili 61,9 %
- pješaci	18	14	+ 4 ili 28,6 %

U naselju je registrovano 513 saobraćajnih nezgoda (jedna sa poginulim, 77 sa povrijeđenim licima i 435 sa materijalnom štetom), van naselja 46 nezgoda (sedam sa povrijeđenim licima i 39 sa materijalnom štetom).

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO U MJESECU MAJU 2021. (U NASELJU I VAN NASELJA)

SAOBRAĆAJNE NEZGODE	SA NASTRADALIM LICIMA			SA MATERIJALNOM ŠTETOM	UKUPNO	POSLJEDICE		
	sa poginulim licima	sa povrijeđenim licima				broj poginulih lica	broj teže povrijeđenih lica	broj lakše povrijeđenih lica
		teže	lakše					
u naselju	1	12	65	435	513	1	14	88

van naselja			7	39	46			11
UKUPNO	1	12	72	474	559	1	14	99

Prema kategoriji puta, najveći broj saobraćajnih nezgoda registrovan je:

- na ulicama u naselju - 359 nezgoda u kojima je 58 lica nastradalo (jedno lice poginulo, 57 lica povrijeđeno, 10 teže i 47 lakše),
- na magistralnim putevima - 82. nezgode u kojima je 21. lice povrijeđeno (jedno teže i 20 lakše),
- na regionalnim putevima - 37 (tri lica lakše povrijeđena),
- na lokalnim putevima - 20 (osam lica povrijeđeno - jedno teže i sedam lakše),
- na putevima koji se ubrajaju u kategoriju ostalih - 61. saobraćajna nezgoda sa 24 povrijeđena lica (dva teže i 22 lakše).

POS LJEDICE SAOBRAĆAJNIH NEZGODA

Tokom mjeseca maja 2021. godine, u saobraćajnim nezgodama na području Kantona Sarajevo nastradalo je ukupno 114 lica (36 ili 46,1 % više). Jedno lice je poginulo (isto kao u maju prošle godine), dok je 113 lica povrijeđeno (36 ili 46,7 % više), od čega 14 teže (pet ili 55,5 % više) i 99 lakše (31 ili 45,6 % više).

STEPEN POVREDA UČESNIKA U SAOBRAĆAJNIM NEZGODAMA

- Vozači :
61 vozač povrijeđen (šest teže i 55 lakše)
- Putnici:
34 putnika povrijeđena (dva teže i 32 lakše)
- Pješaci:
18 pješaka povrijeđeno (šest teže i 12 lakše)

Starosna struktura nastradalih lica u saobraćajnim nezgodama je slijedeća:

- Ispod šest godina - pet lica,
- Od 6 do 17 godina - četiri,
- od 18 do 20 godina - devet,
- od 21 do 24 godine - 12,
- od 25 do 30 godina - 19,
- od 31 do 40 godina - 22,
- od 41 do 50 godina - 20,
- od 51 do 65 godina - osam,
- 66 i više godina - šest,
- Nepoznata starosna dob - devet lica.

Starosna struktura nastradalih vozača u saobraćajnim nezgodama je slijedeća:

- od 18 do 23 godine - osam lica,
- od 23 do 30 godina - 16,
- od 30 do 40 godina - 12,
- od 40 do 50 godina - 15,
- od 50 do 60 godina - šest,

- 60 i više godina - četiri,
- nepoznata starosna dob - jedno lice.

UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, najveći broj uzroka saobraćajnih nezgoda spada u kategoriju:

- ostalih - 459 (jedno lice poginulo, 90 lica povrijeđeno, 12 teže i 78 lakše),
- neprilagođena brzina - 96 (22 lica povrijeđena, dva teže i 20 lakše),
- uticaj alkohola - četiri (jedno lice lakše povrijeđeno).

AKTIVNOSTI POLICIJE IZ OBLASTI SIGURNOSTI SAOBRAĆAJA

Tokom mjeseca maja 2021. godine, policijski službenici Uprave policije MUP-a Kantona Sarajevo kontrolisali su:

- 14.587 vozila i vozača (304 više),
- 3.805 lica u vozilima (273 više),
- pregledali 273 vozila (89 više) i 189 lica u tim vozilima (devet više).

Zbog tehničke neispravnosti iz saobraćaja je isključeno 13 vozila (dva više), 102 vozača su zatečena da upravljaju vozilom pod dejstvom alkohola (jedan više), 388 bez korištenja sigurnosnog pojasa (64 više), 176 bez položenog vozačkog ispita (50 manje), 64 pod izrečenom zaštitnom mjerom (tri manje), 302 vozača su zatečena da koriste mobitel tokom vožnje (54 više) i 256 vozila je učestvovalo u saobraćaju bez važeće registracije (869 manje).

Zbog kršenja propisa iz oblasti sigurnosti saobraćaja uručeno je 13.113 prekršajnih naloga vozačima (1.570 ili 10,7 % manje u odnosu na maj prošle godine) i podneseno 188 zahtjeva za pokretanje prekršajnog postupka (121 ili 39,1 % manje).

MIRUJUĆI SAOBRAĆAJ I KONTROLA PJEŠAKA

Policijski službenici su i tokom mjeseca maja 2021. godine organizovali aktivnosti po pitanju saobraćaja u mirovanju i kontrole kretanja pješaka.

Protiv vozača koji su vozila nedozvoljeno parkirali na javnim površinama, uručeno je 5.959 prekršajnih naloga (1.052 više), upozoreno je 227 vozača (19 manje), a specijalnim vozilom "pauk" premještena su 63 vozila (71 manje).

Takođe, pješacima koji su kršili propise uručeno je 105 prekršajnih naloga (46 više), a upozoreno je 18 pješaka (141 manje).

ZAKONITOST U RADU

Tokom mjeseca maja 2021. godine, registrovana su četiri pojedinačna napada (četiri manje) na policijske službenike Uprave policije MUP-a Kantona Sarajevo. U napadima su učestvovala četiri punoljetna lica koja su u dva slučaja koristila fizičku snagu, a u dva slučaja oruđa i druge predmete. Tokom mjeseca maja tekuće godine registrovana su dva slučaja (četiri manje) opravdane upotrebe sile.

Tokom mjeseca maja 2021. godine, razmatrano je 49 predstavlki na rad policijskih službenika. Nakon razmatranja Odbor za žalbe građana Skupštine Kantona Sarajevo donio je zaključak da se za 15 predstavlki (šest više) provede unutrašnja istraga, za 23 predstavke je odlučeno da se izvrše provjere i prikupi dokumentacija, za devet da su neosnovane, dok je za dvije predstavke odlučeno da se pripoje unutrašnjoj istrazi.

Od ukupno 49 razmatranih predstavlki, 38 je podneseno od strane građana, dok 11 predstavlki predstavljaju saznanja iz službe.

Okončano je 15 unutrašnjih istraga, među kojima je sedam neosnovanih, pet je bilo bez dovoljno dokaza, u dva slučaja istraga je osnovana, dok je u jednom slučaju interni postupak prekinut do okončanja krivičnog postupka ili krivične istrage.

RAD POLICIJE U ZAJEDNICI

U okviru Rada policije u zajednici, policijski službenici Uprave policije MUP-a Kantona Sarajevo su tokom izvještajnog mjeseca preduzimali aktivnosti u cilju uspostavljanja saradnje sa građanima, mjesnim zajednicama, predstavnicima vjerskih zajednica, raznim udruženjima građana i nevladinim organizacijama.

Policajci u zajednici su svakodnevno na terenu, kroz proaktivno djelovanje i kontakte sa građanima, osobljem javnih ustanova, nevladinih i drugih organizacija, osiguravali stvaranje povoljnog ambijenta za život svih kategorija stanovništva.

Po pitanju koordinacije Rada policije u zajednici s vladinim i nevladinim organizacijama kao i implementacije javnih kampanja s ciljem podizanja svijesti građana o važnosti jačanja partnerskog odnosa između policije i lokalne zajednice, realizovne su slijedeće aktivnosti:

- Učestvovanje na manifestaciji „Auto Show“, organizovanoj u okviru „Akcije za bezbjednost na putevima“, koju na osnovu Rezolucije UN-a iz 2010. godine kontinuirano provodi Svjetska automobilistička organizacija. Učešće Uprave policije MUP-a Kantona Sarajevo na ovoj manifestaciji realizovano je kroz organizovanje info-pulta na kojem su policijski službenici prezentirali rad i opremu saobraćajne policije kao i Rad policije u zajednici.

- Nastavljena je realizacija projekata: „Program socijalizacije s pravom“ i „Jačanje tužilačkih kapaciteta u sistemu krivičnog pravosuđa u BiH“ u online modelu, kroz održane radionice u osnovnim i srednjim školama na području Kantona Sarajevo.

Takođe, nastavljene su aktivnosti na kontinuiranom provođenju mjera u vezi pandemije „Koronavirusa“ (COVID 19). Konstantno je vršen obilazak lica kojima je od strane Kantonalne uprave za inspeksijske poslove izrečena mjera ograničenog kretanja/kućni karantin, kao i obilazak JU „Dom zdravlja Kantona Sarajevo“ posebno trijažnih punktova, pri čemu je kontaktirano sa dežurnim medicinskim osobljem, a u cilju poboljšanja saradnje, razmjene informacija, sprečavanja narušavanja javnog reda i mira te prevencije širenja zaraze.

Policajci u zajednici Uprave policije MUP-a Kantona Sarajevo su ostvarivali kontakte sa građanima iz reda romske populacije i migrantima, s ciljem preventivnog djelovanja na pojavu narušavanja javnog reda i mira prosjačenjem, kao i eventualnog činjenja krivičnih djela krađa i drskih krađa.

MIGRANTI

Na osnovu Izvještaja Operativnog tima za pitanja migranata, a prema podacima IOM-a na području Kantona Sarajevo u prihvatnim, azilantskim i imigracionim centrima boravi cca 2.271 migrant.

U mjesecu maju 2021. godine migranti su učestovali u izvršenju šest događaja sa obilježjem krivičnog djela i to:teška tjelesna ozljeda (čl. 172. KZ FBiH),

- lahka tjelesna ozljeda (čl. 173. KZ FBiH),
- posjedovanje i omogućavanje uživanja opojnih droga (čl.239. KZ FBiH),
- razbojništvo (čl. 289. KZ FBiH),
- oštećenje tuđe stvari (čl. 293. KZ FBiH) i
- nasilničko ponašanje (čl. 362. KZ FBiH).

Tokom mjeseca maja 2021. godine, službenici policije kontrolisali su 189 migranta, od čega 65 nije posjedovalo registracijski obrazac, 37 je upućeno službi za poslove sa strancima radi registracije i 64 migranata su smještene u imigracione centre.

Provodeći operativno-taktičke mjere i radnje, kao i akcije (ukupno šest akcija) na području Kantona Sarajevo, u mjesecu maju 2021. godine, policijski službenici Uprave policije MUP-a Kantona Sarajevo pronašli su ukupno 70 migranta.

TABELARNI PREGLED OSNOVNIH STATISTIČKIH POKAZATELJA O MIGRANTSKOJ POPULACIJI

MJESEC MAJ 2021. GODINE	KANTON SARAJEVO
UKUPAN BROJ MIGRANATA KOJI BORAVI NA PODRUČJU KANTONA SARAJEVO (SLOBODNA PROCJENA I PODACI IOM-a)	2.271
UKUPAN BROJ KONTROLISANIH MIGRANATA	189
BROJ MIGRANATA LIŠENIH SLOBODE	5
BROJ KRIVIČNIH DJELA POČINJENIH OD STRANE MIGRANATA	6
BROJ PREKRŠAJA POČINJENIH OD STRANE MIGRANATA	0
BROJ INCIDENATA POČINJENIH OD STRANE MIGRANATA	12
BROJ MIGRANATA KOJI SU VRAĆENI IZ SUSJEDNIH DRŽAVA	0
BROJ AKCIJA POLICIJE VEZANIH ZA KRIJUMČARENJE ILEGALNIH MIGRANATA	6
BROJ MIGRANATA PREDATIH U IMIGRACIONI CENTAR ILI SLUŽBI ZA POSLOVE SA STRANCIMA	101

Odjeljenje za odnose s javnošću

10.06.2021. godine